

乙籤七十宋之間之三

唐音統籤卷五十七

五言律詩二

陸渾山莊

歸來物外情  
負杖閑巖耕  
源水看花入  
幽林採藥行  
野人相問姓  
山鳥自呼名  
去去獨吾樂  
無能一作然愧此生

藍田山莊

宦遊非吏隱  
心事好幽偏  
考室先依地  
爲農且用天  
輞川朝伐木  
藍水暮澆田  
獨與秦山老  
相歡春酒前

春日山家

今日遊何處春泉洗藥歸悠然紫芝曲晝掩白雲  
扉魚樂偏尋藻人閑屢采薇丘中無俗事身世兩  
相違

過史正議宅

舊交此零落雨一作雪泣訪遺塵劔几傳好事池臺  
傷故人國香蘭已歇里樹橘猶新不見吳中隱空

餘江海濱

春日宴宋主簿山亭得寒字

公子正邀歡林亭春未闌  
巖踐苔易迷路出花

難牖覆垂楊暖堦侵瀑水寒帝城歸路直留興接  
鸚鵡

緱山廟

王子賓仙去飄飄笙鶴飛徒聞滄海變不見白雲  
歸天路何其遠人間此會稀空歌日云暮霜月漸  
微微

登禪定寺閣

梵宇出三天登臨望八川開襟坐霄漢揮手拂雲  
煙函谷青一作春山外昆明落日邊東京楊柳陌少

別幾經年

過函谷關

二百四十載海內何紛紛六國兵同合七雄勢未  
分從成拒秦帝策決問蘇君雞鳴將獨盜論德不  
論勛

晚泊湘江

五嶺惻惶客三湘顛顛顏况復秋雨霽表裏見  
衞山路逐鵬難轉心依雁北還唯餘望鄉淚更染竹  
成斑

度大庾嶺

度嶺方辭國停輜一望家竟隨南嶽鳥淚盡北枝

花山雨初合霽江雲欲變霞但令歸有日不敢悞  
長沙

題大庾嶺北驛

陽月南飛鴈傳聞至此迴我行殊未已何日復歸  
來江靜潮初落林昏瘴不開明朝望鄉處應見隴

頭梅

經梧州

南國無霜霰連年見物華青林暗換葉紅蕊續開  
花春去聞山鳥秋來見海槎流芳雖可悅會自泣  
長沙

過蠻洞

越嶺千重合蠻谿十里斜竹迷樵子徑萍匝釣人  
家林暗交楓葉園香覆楠花誰憐在荒外孤賞足  
雲霞

江亭晚望

浩渺浸雲根煙嵐出遠村鳥歸沙有跡帆過浪無  
痕望水知柔性看山欲斷魂縱情猶未已迴馬欲  
黃昏

泛鏡湖南谿

乘興入幽棲舟行日向低巖花候冬發谷鳥作春

啼脊嶂開天小叢篁夾路迷猶聞可憐處更在若  
邪谿

宿清遠峽山寺

香岫懸金刹飛泉界

一作  
岫

石門空山唯習靜中夜

寂無喧說法初聞鳥看心欲定猿聲寥寥隔塵市

一作

事何異武陵源

遊韶州廣界寺

影殿臨丹壑香臺隱翠霞巢飛舍象鳥砌蹋雨空  
花寶鐸搖初霽金池映晚沙莫愁歸路遠門外有

三車

秋晚遊普耀寺

薄暮曲江頭仁祠暫可留山形無隱霽野色遍呈  
秋花一作荷覆香泉密藤緣寶樹幽平生厭塵事過  
此忽悠悠

望月有懷

天使下西樓含光萬里秋臺前似掛鏡簾外如懸  
鉤張尹將眉學班姬取扇儔佳期應借問爲報在  
刀頭

使往天平軍馬約與陳子昂新鄉爲期及還  
而不相遇



入衙期之子吁嗟不少留情人去何處淇水日悠  
悠恒碣青雲斷衡漳白露秋知君心許國不是愛  
封侯

初發荆府贈長史

詩式

關二句

仍隨五馬謫載與兩禽

奔明主無由見羣公莫與言幸君逢聖日何惜理  
虞翻

途中寒食題黃梅臨江驛寄崔融

馬上逢寒食愁

途一作

中屬暮春可憐江浦望不見

洛橋

一作陽

人北極懷明主南溟作逐臣故園腸斷

處日夜柳條新

正音截前四句為絕句

寄天台司馬道士

卧來生白髮  
覽鏡忽成絲  
遠媿餐霞子  
童顏且自持  
舊遊情疎曠  
微尚日磷緇  
不寄西山藥  
何由東海期

送杜審言

卧病人事絕  
聞君萬里行  
河橋不相送  
江樹遠含情  
別路追孫楚  
維舟弔屈平  
可惜龍泉劍  
流落在

豐城

正音截前四句為絕句聞君作嗟君

送朔方何侍御

聞道雲中使乘驄往復還  
河兵守陽月塞虜失陰  
山拜職嘗隨驃銘功不讓班  
旋聞受降日歌舞入  
蕭關

送姚侍御出使江東

帝憂河朔郡南發海陵  
倉坐歎青春別透迤碧水  
長飲冰朝受命衣錦晝還鄉  
爲問東山桂無人何  
自芳

送李侍御

行李戀庭闈乘輶振綵衣  
南登指吳服北走出秦  
畿去國夏雲斷還鄉秋雁飛  
旋聞郡計入更有使

臣歸

餞湖州薛司馬

別駕促嚴程離筵多故情交深季作友義重伯爲  
九鎮靜移吳俗風流在漢京會看陳仲舉從此拜  
公卿

送趙司馬赴蜀州

餞子西南望煙綿劍道微橋寒金雁落林曙碧雞  
飛職拜輿方遠仙成履會歸定知和氏璧遙掩玉  
輪輝

送許州宋司馬赴任

穎郡水東流，荀陳兄弟遊。偏傷茲日遠，獨向聚星  
州。河潤在明德，人康非外求。當聞力爲政，適慰我  
心愁。

答李司戶夔

遠方來下客，輪軒攝

一作楫

使臣弄琴，宜在夜傾酒。

貴逢春駟馬，留孤館雙魚。魚贈故人，明朝雲雨散。遙  
仰德爲鄰。

送武進鄭明府

絃歌試宰日，城闕賞心違。北謝蒼龍去，南隨黃鶴  
飛。夏雲海中出，吳山江上微。昨歌一作謠豈云遠，從

此慶緇衣

送永昌蕭贊府

柳變曲江頭送君函谷遊  
弄琴寬別意酌醴醉春  
愁戀本亦何極贈言微  
所求真令金谷水不入故  
園流

送沙門弘景道俊玄奘還荊州應制

一作李嶠詩

三乘歸淨域萬騎饒通莊  
就日離亭近彌天別路  
長荆南旋杖鉢渭北限津梁  
何日紆真果還來入

帝鄉

送田道士使蜀投龍

風馭忽冷然雲臺路幾千蜀門峰勢斷巴字水形  
連人隔壺中地龍遊洞裏天贈言迴馭日圖書彼  
山川

渡吳江別王長史

倚棹望茲川銷魂獨黯然鄉連江北樹雲斷日南  
天劍別龍初沒書成鴈不傳離舟意無恨催渡復  
催年

端州別袁侍郎

合浦塗未極端谿行暫臨淚來空泣臉愁至不知  
心客醉山月靜猿啼江樹深明朝共分手之子愛

千金

留別之望舍弟

同氣有三人分飛在此晨西馳巴嶺徼東去洛

一作

汶陽濱強飲離前酒終傷別後神誰憐散花萼獨

赴日南春

漢江宴別

漢廣不分天舟移杳若仙秋虹映晚日江鶴弄晴  
煙積水浮冠蓋遙風逐管絃嬉遊不可極留恨此

山川

梁宣王挽詞三首

武

三



貴藩堯母族外戚漢家親業重興王際功高復辟  
辰愛賢唯報國樂善不妨身今日衣冠送空傷置  
醴人

金精何日閉玉匣此時開東望連吾子南瞻近帝  
臺地形龜食報墳土燕銜來可歎虞歌夕紛紛騎  
吹迴

像設千年在平生萬事違綵旌翻葆吹圭嬰奠靈  
衣壠日寒無影郊雲凍不飛君王留此地駟馬欲  
何歸

魯忠王挽詞二首

三思子駙馬崇訓也

同盟會五月歸葬出三條日慘咸陽樹天寒渭水  
橋稍看朱鷺轉尚識紫駟驕寂寂泉臺恨從茲罷  
玉簫

邦家錫寵光存沒賁忠良遂裂山河地追尊父子  
王人悲槐里月馬踏檀原霜別向天京北悠悠此  
路長

樹羽迎朝日撞鍾望早霞故人悲宿草中使慘晨  
笳氣有衝天劔星無犯斗槎唯餘孔公宅長接魯  
王家

范陽王挽詞二首

賢相稱邦傑清流舉代推公才掩諸夏文體變當  
時賓弔翻成鶴人亾惜喻龜洛陽今紙貴猶寫太  
冲詞

贈秩

一作

徽章洽求書秘草成客隨朝露盡人逐

夜舟驚蒿里衣冠送松門印綬迎誰知楊伯起今  
日重哀榮

故趙王屬贈黃門侍郎上官公挽詞二首

韋門旌舊德班氏業前書謫去因丞相歸來爲婕  
妤周原烏相塚越嶺鴈隨車漠漠辭昭代空憐賦  
子虛

東晉書卷之三  
綠車隨帝子青瑣窈宸機昔在朝歌騎今虛夕拜  
闡柳河悽挽曲薤露濕靈衣一厝窮泉閉雙鸞遂  
不飛

藥

有卉秘神仙君臣有禮焉忻當苦口喻不畏入腸  
備功成日神農定品年丹成如可待雞犬自  
聞天

乙籤七十宋之間之四 唐音統籤卷五十八

五言排律

奉和幸神臯亭應制

清蹕喧黃道乘輿降紫宸霜戈凝曉日雲管發陽

春臺古全疑一作漢林餘半識秦宴酣詩布澤節

改令行仁昔恃山河險今依道德淳多慚獻嘉頌

空累屬車塵

奉和晦日幸昆明池應制景龍文館記云中

明池賦詩羣臣應制百餘篇後殿前結綵樓命上官昭容選一首為新詞御製曲從臣悉集其下須臾紙落如飛唯沈宋二詩不下又移時一紙飛墜乃沈詩也及聞其



評曰二詩工力悉敵沈詩落句云微臣彫朽質羞覩豫章材蓋詞氣已竭宋詩云不  
愁明月盡自有夜珠來猶隄  
健騫舉沈乃伏不敢復爭

春豫靈池會

蔣一葵云用春豫字便好

滄波帳殿開舟凌石鯨

度槎拂斗牛迴節晦莫全落

又云要見得是正月晦急着偶句以足其

意春遲柳暗催象溟看浴景燒劫辨沈灰鎬飲周

文樂汾歌漢武才不愁明月盡自有夜珠來

奉和幸長安故城未央宮應制

漢王未息戰蕭相乃營宮壯麗一朝盡威靈千載

空皇明帳前跡置酒宴羣公寒輕綵仗外春發幔

城中樂思迴斜日歌詞繼大風今朝天子貴不假

叔孫通

奉和幸大薦福寺

寺卽中宗舊宅

香刹中天起宸遊滿路輝乘龍太子去駕象法王  
歸殿飾金人影廳搖玉女屏稍迷新草木遍識舊  
庭闈水入禪心定雲從寶思飛徬知皇劫遠初拂  
六銖衣

薦福寺應制

梵筵光聖邸遊豫覽宏規不改靈光殿因開功德  
池蓮生新步葉桂長昔攀枝湧塔庭中見飛樓海  
上移聞韶三月幸觀象七星危欲識龍歸處朝朝

雲氣隨

奉和幸三會寺應制

傳是蒼頡造書臺

六飛迴玉輦雙樹謁金仙  
瑞鳥呈書字神龍吐浴泉  
淨心遙証果睿想獨超禪  
塔湧香花地山圍日月天  
梵音迎漏一作微空樂倚雲懸  
今日登仁壽長看法鏡圓

奉和幸韋嗣立山莊侍宴應制

一作李又詩

樞掖調梅暇林園藝槿初  
入朝榮劍履退食偶一作

樂琴書地隱東巖室天迴北斗車  
旌門臨窈窕窳輦

道屬扶疎雲罕明丹壑

一作霜笳徹紫虛水疑投



石處谿似釣璜餘帝澤頌卮酒人歡頌里閭一承  
黃竹詠長奉白茅居

扈從登封告成頌應制

御路廻中嶽天管接下都百靈無後至萬國競前  
驅文衛嚴清蹕幽仙讀寶符貝花明漢果芝草入  
堯厨濟濟衣冠會喧喧夷夏俱宗裡仰神理刊木  
望川途撫已貧非病時來本不愚願陪拜鳳輦率  
舞白雲衢

宴安樂公主宅

得空字

英藩築外館愛主出王宮賓至星槎落仙來月宇

空玳梁翻賀燕金埒倚晴虹簫去秦臺裏書開魯  
壁中短歌能駐日豔舞欲嬌風聞有淹留處山阿  
滿桂叢

春日鄭協律山亭陪宴餞鄭卿

同用樓字

潘園枕郊郭愛客坐相求尊酒東城外驂駢南陌  
頭池平分洛水林缺見嵩丘暗竹侵山徑垂楊拂  
妓樓彩雲歌處斷遲日舞前留此地何年別蘭房

芳 空自幽

使過襄陽登鳳林寺閣

香閣臨清漢丹梯隱翠微林篁天際密人世谷中

違苔石銜仙洞蓮舟泊釣磯山雲浮棟起江雨入  
庭飛信美雖南國嚴程限北歸幽尋不可再留步  
惜芳菲

早發韶州

炎徼行應盡迴瞻鄉路遙珠厓天外鄴銅柱海南  
標日夜清明少春冬霧雨饒身經大火熱顏入瘴  
江消觸影含沙怒逢人女草搖露濃看莽一作濕

風颭覺船飄直禦魍將魑寧論鷗冥鴟虞翻思報  
國許靖願歸朝綠樹秦京道青雲洛水橋故園長

在日鬼去不須招

正音截後四句爲絕句

發藤州

朝夕苦遙征孤鴻長自驚泛舟依雁渚

一作宿投館

聽猿鳴石髮綠谿蔓林衣拂

一作掃

地輕雲峰刻不

似苔

一作蘇

壁畫難成露裊千花氣泉和萬籟聲攀

幽紅處歇躋險綠中行戀切芝蘭砌悲纏松栢坐  
丹心江北死白髮嶺南生魑魅天邊國窮愁海上  
城勞歌意無限今日爲誰明

早入清遠峽

傳聞峽山好旭日棹前沂雨色搖丹嶂泉聲聒翠  
微兩巖天作帶萬壑樹披衣秋菊迎霜序春藤礙

日輝翳潭花似織綠嶺竹成圍寂歷環沙帶蔥龍  
轉石圻露餘江未熱風落瘴初稀猿飲排崖上禽  
驚掠水飛榜童夷唱合樵女越吟歸良候斯爲美  
邊愁自有違誰言望鄉國流涕失芳菲

早發始興江口至盧氏村作

候曉踰閩嶠乘春望越臺宿雲鵬際落殘月蚌中  
開薜荔搖青氣枕榔翳碧苔桂香多露裊石響細  
泉回抱葉玄猿嘯銜花翡翠來南中雖可悅北思  
日悠哉鬢髮俄成素丹心已作灰何當首歸路行

別故園萊

下桂江龍目灘

停午出灘險輕舟容易前峰攢入雲樹崖噴落江  
泉巨石潛山怪深篁隱洞仙鳥遊谿寂寂猿嘯嶺  
娟娟揮袂日凡幾我行途已千暝投蒼梧郡愁枕  
白雲眠

發端州初入西江

問我將何去清晨泝越溪翠微懸宿雨丹壑飲晴  
寬樹影梢雲密藤陰覆水低潮回出浦駛洲轉望  
鄉迷人意長懷北江行日向西破顏看鵲喜拭淚  
聽猿啼骨肉初分愛親朋忽解攜路遙竟欲斷身

辱理能齊疇日三山意于茲萬緒聯金陵有仙館  
卽事尋丹梯

入瀧州江

孤舟泛盈盈江流日縱橫夜雜蛟螭寢晨披瘴癘  
行潭蒸水沫起山熱火雲生猿躩時能嘯鳶飛莫  
敢鳴海窮南徼盡鄉遠北寬驚江窟支身國悲看  
鑿齒氓地偏多育蠱風惡好相鯨念本巖棲客倦  
哉慕玉京厚恩常顧答薄宦不祈成遠隱垂求志  
披荒爲近名鏡愁玄髮改心負紫芝榮暹啓中興  
曆時逢外域清稊應保忠信延促付神明

始安秋日

桂林風景異秋似洛陽春晚霽江天好分明愁殺  
人卷雲山觺觺碎石水磷磷世業事黃老妙年孤  
隱淪歸歎卧滄海何物貴吾身

桂州黃潭舜祠

虞世巡百越相傳葬九疑精靈遊此地祠樹日光  
輝裡祭忽羣望丹青圖二妃神來獸率舞仙去鳳  
還飛日暝山氣落江空潭靄微帝鄉三萬里乘彼  
白雲歸

登粵王臺



江上粵王臺登高望幾回南溟天外合北戶日邊  
開地濕煙常起山晴雨半來冬花採盧橘夏果摘  
楊梅跡類虞翻枉人非賈誼才歸心不可見白髮  
重相催

### 靈隱寺

孟榮本事詩云之問貶出放還至江南遊靈隱寺夜月極明長廊行吟曰

鷺嶺鬱岩堯龍宮鎖寂寥久不能續有老僧點長明燈問曰少年夜久不寐何耶之問曰偶欲題此寺而與思不屬即曰何不云樓觀滄海日門對浙江湖之問愕然訝其適麗遲明更訪之則不復堯寺僧有知者曰此駱賓王今按賓王集有與之問往還詩非素不相識者孟說似不足據

鷺嶺鬱岩堯龍宮鎖寂寥樓觀滄海日門對浙江

潮桂子月中落天香雲外飄  
捫蘿登塔遠剝木取  
泉遙霜薄花更發冰輕葉互凋  
夙齡尚遐異搜對  
滌煩囂待入天台路看余度石橋

謁禹廟

夏王乘四載茲地發金符  
峻命終不易報功疇敢  
渝先驅總昌會後至伏靈誅  
玉帛空天下衣冠照  
海隅旋聞厭黃屋更道出蒼梧  
林表祠轉茂山阿  
井詐枯舟遷龍負壑田變鳥  
芸蕪舊物森如在天  
威肅未殊玄夷屈瑤席  
玉女侍清都奕奕扃闈一作  
閭邃軒軒仗衛趨氣青連曙  
海雲白洗春湖猿嘯

有時蒼禽言常自呼靈歆異蒸精至樂匪笙竽茅  
殿今文襲梅梁古製無運遙日崇麗業盛答昭蘇  
伊昔自力云盡而今功尚敦揆材非美箭精享愧生  
芻郡職昧爲理邦空寧自誣下車霰已積攝事露  
行濡人隱冀多祐曷唯霑薄軀

遊禹穴廻出若邪

禹穴今朝到邪溪此路通著書聞太史鍊藥有仙  
翁鶴往籠猶掛龍飛劔已空石帆搖海上天鏡落  
湖中水底寒雲白山邊墜葉紅歸舟何慮晚日暮  
使樵風

遊雲門寺

維舟探靜域作禮事尊經投跡一蕭散爲心自杳  
冥龕依大禹穴樓倚少微星沓嶂圍蘭若迴谿抱  
竹庭覺花塗砌白甘露洗山青鴈塔騫金地虹橋  
轉翠屏人天宵現景神鬼晝潛形理勝常虛寂緣  
空自感靈人禪從鶴繞說法有龍聽劫累終期滅  
塵躬且未寧搖搖不安寐待月詠巖扃

遊法華寺

一作駱賓王詩

高岫擬耆闍真乘引妙車空中結樓殿意表出雲  
霞後果纏三足前因感六牙宴林薰寶樹水溜滴

金沙寒谷梅猶淺  
溫庭橘未華  
臺香紅葉亂  
塔影綠篁遮  
果漸輪王族  
緣超梵帝家  
晨行踏忍草  
夜誦得靈花  
江郡將何匹  
天都亦未加  
朝來浴汎所  
應是逐仙槎

遊稱心寺

釋事懷三隱  
清襟謁四禪  
江鳴潮未落  
林曉日初懸  
寶葉交香雨  
金沙吐細泉  
望諸舟客趣  
思發海人煙  
顧櫂仍留馬  
乘杯久棄船  
未憂龜負岳  
且識鳥耘田  
理契都無象  
心冥不寄筌  
安期庶可揖  
天

地得齊年

和庫部李員外秋夜寓直之作

相庭貽慶遠才子拜郎初起草儀仙閣焚香卧直  
廬更深河欲斷節勁柳偏疎氣耿凌雲筆心搖待  
漏車叨榮厠儔侶省已惠空虛徒斐陽春和難叅  
麗曲餘

和姚給事寓直之作

清論滿朝陽高才拜夕郎還從避馬路來接珥貂  
行籠就黃扉日威回白簡霜栢臺遷鳥茂蘭署得  
人芳禁靜鐘初徹更疎滿漸長曉河伏武庫流火  
度文昌寓直恩一作輝重乘秋藻翰揚晴投空欲

報下調不成章

酬李丹徒見贈之作

鎮吳稱粵理試劇仰通才  
近挹人披霧遙聞境震  
雷一朝逢解榻累日共  
銜杯連巒登山盡浮舟  
望海迴以予慚拙宦期  
子遇良媒贈曲南鳧斷  
征途北鴈催更憐江上  
月還入鏡中開

宋公宅送甯陳議

宋公爰創宅庾氏更誅茅  
間出人三秀平臨楚四  
郊漢臣來絳節荆牧動  
金饒樽溢宜城酒笙裁  
曲沃匏露荷新變節風  
柳夕鳴梢一散陽臺雨  
方隨

越鳥巢

送合官蘇明府頌

鉉府誕英規公才天下知  
謂乘羔鴈族繼入鳳凰池  
赤縣求人隱青門起路岐  
翟迴車少別鳧化鳥  
遙馳神哭周南境童歌渭北垂  
賢哉荀奉倩袞職  
佇來儀

送楊六望赴金水

借問梁山道嶽岑幾萬重  
遙州刀作路

一作絕壁

劍爲峯惜別路窮此留歡意  
不從憂來生白髮時  
晚愛青松勿以西南遠  
夷歌寢盛容台階有高位



寧復久臨印

七言律詩

嵩山石淙侍讌應制

得幽字

離宮秘苑勝瀛洲，別有仙人洞壑幽。  
巖巖邊樹色含風，冷石上泉聲帶雨秋。  
鳥向歌筵來度曲，雲依帳殿結爲樓。  
微臣昔忝方朔御，今日還陪八駿遊。

奉和春初幸太平公主南莊應制

青門路接鳳凰臺，素澹宸遊龍騎來。  
澗草自迎香輦合，巖花應待御筵開。  
文移北斗成天象，酒近輦輿令巖花。  
應待御筵開文移北斗成天象，酒近輦輿  
南山作壽杯。此日侍臣將石去，共歡明主賜金

迴紀事云之問此篇及昆明池薦福寺當時都爲冠首

和趙員外桂陽橋遇佳人

見玉臺後集

江雨朝飛浥細塵  
陽橋花柳不勝春  
金鞍白馬來從趙  
玉面紅粧本姓秦  
妬女猶憐鏡中髮  
傳兒堪感路傍人  
蕩舟爲樂非吾事  
自歎空闌夢寐頻

五言絕句

嵩山夜還

家住

一作在

嵩山下好采  
舊山薇  
自省遊泉石  
何曾

不夜歸

渡漢江

嶺外音書斷經冬復歷春近鄉情更怯不敢問來人

在荊州重赴嶺南

見詩式

夢澤三秋日蒼梧一片雲還將鴝鷓羽重入鷓鴣

羣

謁二妃廟

見詩式不全

還以金屋貴留茲寶席尊江鳧嘯風雨山鬼泣朝

昏

答田徵君

出遊杳何處遲回伊洛間歸寢忽成夢宛在嵩丘

山

贈嚴侍御

詩式

受賑清邊服乘驄歷塞塵當聞漢雪耻羞共虜和親

題鑿上人房二首

落花雙樹積芳草一庭春玩之堪興盡何必見幽人

晚入應真理經行尚未回房中無俗物林下有青苔

湖中別鑿上人

願與道林近在有意追遙篇自有靈佳寺何用沃洲  
禪

傷曹娘二首

鳳飛樓伎絕鸞死鏡臺空獨憐脂粉氣猶著舞衣  
中

河伯憐嬌態馮夷要妹妹妓寄言遊戲人莫弄黃河  
水

河陽

昔日河陽縣氛氳香氣多曹真娘嬌態盡春樹不堪  
過









句並見詩式

象物行周禮衣冠集漢都憐憐事虞舜萬里泣蒼

梧 遙遙鼎湖劍千里忽同歸則天挽歌 亭寒照苦

月隴暗積愁雲今日山門樹何處有將軍楊將軍挽歌

鸞死鉛妝歇人亡錦字空悲端若能滅渭水亦

應窮鄧國大夫人挽歌

卷終

乙籤七十一

唐書統籤卷五十九

李又趙州房子人十二工屬文第進士茂才異等

長安中擢拜監察御史中宗以為中書舍人知制

誥且修文館學士睿宗朝進吏部侍郎改黃門侍

郎封中山郡公開元初轉紫微侍郎終刑部尚書

名官沉正方雅識治體時稱有宰相器集一卷初

名尚真與兄尚一尚貞俱以文章見稱有李氏花

粵集二十卷內又占五卷宋志止有又詩一卷餘

五言古詩

招諭有懷贈同行人一作李

唐書充殿 卷五十九 三六三 乙

遠遊冒艱阻深入勞存諭春去辭國門秋還在邊  
戍軒車行未返節序催難駐陌上悲轉蓬園中想  
芳樹蜀山自紛糾岷水恒奔注臨泛多苦懷登攀  
寡歡趨永夕飛淫雨崇朝蒸毒霧不求綏嶺桃寧  
美印鄉藟白浪行欲靜聽馬何嘗驅加韻區願接  
輶旆塵聯翩東北驚

故趙王屬贈黃門侍郎上官公挽詞

暮歸泉壤幽

一作

一作

朝發城池戀漢疇結愁陰秦川

一作下悲霰駸駸百驪馳惘惘羣龍餞石馬徒自

施玉人終不見

淮陽公主挽歌

玉顏生漢渚金縷化邛塵湯沐榮天女哀榮感路  
人鳳凰曾作伴螻蟻忽爲親疇日成蹊處穠華不  
復春

五言律詩

春日侍宴芙蓉園應制

水殿臨丹籞山樓繞翠微昔遊人託乘今幸帝垂  
衣澗篠緣峯合巖花逗浦飛朝來江曲地一作朝  
迴曲江  
地無處不光輝

奉和立春日侍宴內出剪綵花應制

密葉因裁吐新花逐剪舒  
一條雖不謬摘葉詎知  
虛春至由來發秋還未肯  
疎借問桃將李相亂欲  
何如

奉和春日遊苑喜雨應制

園林春正歸入暮弄芳菲  
密雨迎仙步低雲拂御  
衣危花沾易落度鳥濕難  
飛膏澤登千庾歡情遍  
九圍

奉和人口占清暉閣宴羣臣遇雪應制

上日登臺賞中天御輦飛後  
庭聯舞唱前席仰恩  
輝睿作風雲起農祥雨雪霏  
幸陪人勝節長願奉

垂衣

奉和七夕兩儀殿會宴應制

桂宮明月夜蘭殿起秋風  
雲漢彌年阻星筵此夕  
同倏來疑有處旋去已成空  
睿作鈞天響竟飛在  
夢中

奉和九日侍宴應制

得濃字

望幸紆千乘登高自九重  
臺疑臨戲馬殿似接疏  
龍捧篋萸香遍稱觴菊氣濃  
更看仙鶴舞來此慶  
時雍

陪幸臨渭亭遇雪應制

青陽御紫微白雪下彤闈  
泱泱流天帟綿區灑帝  
輝水如銀度燭雲似玉披衣為得因風起還來就  
日飛

奉和登驪山高頂寓目應制

崖巘萬尋懸居高敞御筵行  
戈疑駐日步輦若升

一作天城關霧中近關河雲外連  
謬陪登弁一作

駕欣奉濟汾篇

侍宴長寧公主東莊應制

紫禁乘宵雷動青門訪水嬉  
貴遊鱸序集初學記作

上合禮仙女鳳樓期  
合宴簪紳滿承恩雨露滋  
北

辰還捧日東館幸逢時

和九月九日登慈恩浮圖應制

湧塔開

一作臨

玄地高層瞰紫微鳴鑿陪帝出攀捺

翊天飛慶洽重陽壽文含列象輝小臣叨載筆無

以

一作欣此

頌巍巍

閏九月九日幸總持寺登浮圖應制

清蹕幸禪樓前驅歷御溝還疑九日豫更想六年  
遊聖藻輝纓絡仙花綴冕旒所欣延億載寧祗慶

重秋

幸白鹿觀應制



制蹕乘驪阜廻輿指鳳京南山四皓謫西嶽兩童  
迎雲幄臨玄圃霞杯薦赤城神明近茲一作福地何  
必往蓬瀛

送沙門弘景道俊玄奘還荊州應制

初日承歸肯秋風起贈言漢珠留道味江璧返真  
源地出南關遠天廻北斗尊寧知一柱觀却啓四  
禪門

次蘇州

洛渚聞吳潮吳門想洛橋夕煙楊柳岸春水木蘭  
橈城邑南樓近星辰北斗遙無因生羽翼輕舉託

還廳

寄胡皓時在南中

循役苦流滯風波限沂洄江流通地骨山道繞天台有鳥圖南去無人見北來閉門滄海曲雲霧待君開

餞許州宋司馬赴任

展驥旌時傑談雜美代賢暫離仙掖務追送近郊筵地慙金商節人康璧假田從來昆友事咸以佩刀傳

餞唐州高使君赴任

淮源之水清可以濯君

一作我

纓彼美稱才傑親人

行政聲歲寒疇曩意春晚別離情終歎臨歧遠行  
看擁傳榮

哭僕射鄂公楊再思

端揆凝邦績台階闔國猷方崇大厦棟忽逝巨川  
舟白日銘安在清風頌獨留死生恩命畢零落掩  
山丘

故西臺侍郎上官公挽歌

萬內文儒重朝端禮命優立言多啓沃論道盛謀  
猷顧日琴安在衝星劍不留徒懷東武禔更掩北

原丘

高安公主挽歌二首

湯沐三千賦樓臺十二重銀鑪稱貴幸一作玉輦

禮過逢嬪則留中饋娥輝沒下春平陽百歲後歌

舞為誰容

賓衛儼相依橫門啓曙扉一作靈陰蟾兔缺仙影

鳳凰飛一水秋難渡三泉夜不歸况臨青女節瑤

草更前衰末句借韻初

五言排律

奉和幸長安故城未央宮應制

鳳輦乘春陌龍山訪故臺北宮纔盡處南斗獨昭  
回肆覽飛宸札稱觴引御杯已觀蓬海變誰厭柏  
梁災代挹孫通禮朝稱賈誼才忝儕文雅地先後  
各時來

奉和晦日幸昆明池應制

玉輅尋春賞金堤重晦遊川通黑水浸

一作地派

紫泉流晃朗扶桑出綿聯杞樹周鳥疑填海處人  
似隔河秋劫盡灰猶識年移石故留汀洲歸棹晚  
簫鼓雜汾謳

奉和恩賜樂遊園宴應制

侍飲終醕會承恩續聖遊戴天惟慶幸選地卽殊  
尤北面祇雙闕南臨賞一直曲江新溜緩上苑雜  
花稠疊疊韶絃屢戔戔音帛周醉歸填畛陌榮耀  
接軒裘

奉和幸三會寺應制

睿德總無邊神臯擇勝緣二儀齊法駕三會禮香  
筵漢闕中黃近泰山太白連臺煖觀一作鳥目池  
似刻鯨年滿月臨真境秋風入御絃小臣叨下列  
持管謬窺天

奉和幸大薦福寺

寺卽中宗舊宅

象設隆新宇龍潛想舊居碧樓披玉額丹仗導金  
輿代日興光近周星掩曜初空歌清沛筑梵樂美  
河書帝造環三界天文賁六虛康哉孝理日崇德  
在真如

奉和幸禮部尚書寶曆寺觀雲臺應制

家住千門側亭臨二水傍  
貴遊開北第宸眷幸西  
鄉曳履迎中谷鳴絲出後堂  
浦疑觀萬象一作峯

似駐三光草向瓊筵樂花承繡屐  
香聖情思舊里  
留飲賦雕章

奉和幸韋嗣立山莊侍宴應制

一作宋  
之問詩

樞掖調梅暇林園種槿初入朝榮劍履退食偶琴  
書地隱東巖室天廻北斗車旌門臨窸窣輦道屬  
扶疎雲罕明丹谷霜笳徹紫虛水疑投石處溪似  
釣璜餘帝澤頒卮酒人歡頌里閭一承黃竹咏長  
奉白茆居

春和幸望春宮送朔方軍大總管張仁亶

邊郊草具腓河塞有兵機上宰調梅寄元戎細柳  
威武貌東道出鷹隼北庭飛玉匣謀中野金輿下  
太微投醪銜餞酌緝衮事征衣勿謂公孫老行聞  
奏凱歸



夏日都門送司馬員外逸客孫員外佺北征

時相王為元帥魏

大夫元忠為副

日逐滋南寇天威撫北垂  
析珪行仗節持印且分  
麾羽檄雙鳧去兵車駟馬馳  
虎旗懸氣色龍劍抱  
雄雌候月期裁翦經時念  
別離坐聞關隴外無復  
引弓兒

七言律詩

人重宴大明宮恩賜綵縷人勝應制

又七言諸

高彙並作李義府詩義府終高宗代此則皆中宗朝修文學士游宴應制篇目屬

又當無

疑也

王夢遂得邀迎聖帝遊

侍宴安樂公主新宅應制

牽牛南渡象昭回  
學鳳樓成帝女來  
平日鷓鴣歌  
舞席方宵鸚鵡獻酬杯

餞唐永昌

田郎才貌出咸京  
潘子文華向洛城  
願以深心留  
善政當令強項謝高名

卷終

乙籤七十二

七十三 同卷

唐音統籤卷六十

崔湜字澄瀾定州人少以文辭知名舉進士累轉

左補闕預修三教珠英中宗朝拜中書侍郎平章

事坐斥授襄陽刺史韋庶人臨朝復入中書先天

中晉中書令以預太平公主逆謀玄宗流之嶺外

賜死詩一卷 宋志亡 本傳云湜與弟澄液從兄

王謝之家謂人曰吾門戶及出身歷官未嘗不為

第一丈夫當先據要路以 人豈能默默受制于

人故進取不已不克令終湜執政時年三十六嘗

尋出端門下天津馬上賦詩曰春還上林苑花滿

五言古詩

塞垣行

一作崔融

疾風卷溟海萬里揚砂礫仰望不見天昏昏竟朝  
 夕是時軍兩進東拒復西敵蔽山張旗鼓間道潛  
 鋒鏑精騎突曉闔奇兵襲暗壁十月邊塞寒四山  
 互陰積雨雪鴈南飛風塵景西追昔我事討論未  
 嘗怠經籍一朝棄筆硯十年操矛戟豈要黃河誓  
 須勒燕然石可嗟牧羊臣海上久為客

冀北春望

一作崔融詩

迢迢覽燕趙春生兩河間曠然萬里餘際海不見  
 山雨歇青林潤烟空綠野閑問鄉何處所月透關

雲還

景雲二年余自門下平章事削階授江州員外司馬尋拜襄州刺史春日赴襄陽途中言志

余本燕趙人秉心愚且直羣籍備所見孤貞每自飭狗祿期代耕受任亦量力幸逢休明時朝野兩薦推一朝趨金門十載奉瑤墀入掌遷固筆出參  
馬詞吏部既三踐中書亦五期進無負鼎說退  
慙補衮詩常恐嬰悔吝不得少酬私嗷嗷路傍子  
納謗紛無已上動明主疑下貽大臣耻毫髮顧無

累冰壺邈自持天道何期本幽寃終見明始佐廬  
陵郡尋牧襄陽城形韓荷新寵朱黻蒙舊榮力薄  
慚任重恩深知命輕飭徒留前路行子悲且慕猶  
聞長樂鍾尚辨青門樹慈親不忍訣昆弟默相顧  
去去勿重陳川長日云暮

餞唐州高使君赴任

芳春桃李時京都

一作東

物華好爲岳豈不貴所悲

涉遠道遠道不可思宿昔夢見之贈君雙佩刀日

夕視來期

一作有親期

送梁卿王郎中使東蕃弔冊

梁侯上卿秀王子中臺傑贈冊綬九夷旌旆下雙  
闕西堂禮樂送南陌軒車別征路入海雲行舟泝  
江月茲邦久欽化歷載歸朝謁皇心諒所嘉寄爾  
宣風烈

長短句

大漠行

單于犯薊堧驃騎畧蕭邊南山木葉飛下地北海  
蓬根亂上天科斗連營太原道魚麗合陣武威川  
三軍遙倚伏萬里相馳逐旌旆悠悠靜瀚源鞞鼓  
喧喧動盧谷窮徼出幽陵吁嗟倦寢興馬蹄凍溜

石胡毳煖生冰雲沙泱濟天光閉河塞陰沈海色  
凝崆峒異國誰能託蕭索邊心常不樂近見行人  
畏白龍遙聞公主愁黃鸞陽春半岐路間瑤臺苑  
玉門關百花芳樹紅將歇二月蘭皋綠未還陣雲  
不散魚龍水雨雪猶飛鴻鴈山山嶂連綿不可極  
路遠辛勤夢顏色北堂萱草不寄來東園桃李長  
相憶漢將紛紜攻戰盈胡寇蕭條幽朔清韓君拜  
節偏知遠鄭吉驅旌坐見迎火絕烟沈右西極谷  
靜山空左北平但使將軍能百戰不須天子築長

城



五言律詩

奉和登驪山高頂寓目應制

名山河壯哉玄覽一徘徊御路穿林轉旌門倚石  
開烟霞肘後發河塞掌中來不學蓬壺遠經年猶  
未迴

侍宴長寧公主東莊應制

池園東郭一作閣外鸞駕一遊盤水榭宜時陟山樓

同晚看席臨天女貴杯接近臣歡聖藻懸宸象微

臣竊仰觀

奉和送金城公主適西蕃應制

懷戎前策備降女舊姻媿修簫鼓辭家怨旌旃出塞  
愁尚孩中念切方遠御慈留顧乏謀臣用仍勞聖  
主憂

幸梨園亭觀打球應制

年光陌上發香輦禁中演草綠鴛鴦殿花明翡翠  
樓寶杯承露酌仙管雜風流今日陪歡豫皇恩不  
可酬

幸白鹿觀應制

一作鄭  
情詩

御旗探紫籙仙仗闢丹丘捧藥芝童下焚香桂女  
留鸞鳥歌無歲月鶴語記春秋臣朔真何幸常陪漢

武遊

慈恩寺九日應制

帝里重陽節  
香園萬乘來  
却邪更結珮  
獻壽菊傳杯  
塔類承天湧  
門疑待佛開  
睿詞懸日月  
長得仰昭回

折楊柳

二月風光半  
三邊戍不還  
年華妾自惜  
楊柳爲君

攀落絮繁

一作綠

作

衫袖垂條拂  
髻鬟那堪音  
信斷流

涕望陽關

邊愁

九月蓬根斷三邊草葉腓風塵馬變色霜雪劍生  
衣客思秋陰晚邊書驛騎歸殷勤鳳樓上還袂及  
春暉

婕妤怨

不分君恩斷新妝視鏡中容華尚春日嬌愛已秋  
風枕席臨牕曉屏帷向月空年年後庭樹榮落在  
深宮

唐都尉山池

曲渚颺輕舟前谿釣晚流鴈翻蒲葉起魚撥荇花  
遊金子懸湘柚珠房拆海榴幽尋惜未已清月半

西樓

襄城卽事

子牟懷魏闕元凱滯襄城冠蓋仍爲里池臺尚識  
名山光晴後綠江色晚來清借問東流水何時到

玉京

江樓夕望

試陟江樓望悠悠去國情楚山霞外斷漢水月中  
平八子留遺邑夫人有舊城蒼蒼烟霧裏何處是  
咸京

酬杜麟臺春思

春還上林苑花滿洛陽城鴛衾夜凝思龍鏡曉含  
情憶夢殘燈落離魂暗鳥驚可憐朝與暮樓上獨  
盈盈

寄天台司馬先生

聞有三元客祈仙九轉成人間白雲返天上赤龍  
迎尚惜金芝晚仍攀琪樹榮何年緱嶺上一謝洛  
陽城

秦州薛都督挽詞

千里絳山幽千年汾水流碑傳門客建劔是故人  
留隴樹烟含夕山門月照秋古來鍾鼎盛共盡一

高丘

五言排律

奉和幸韋嗣立山莊侍宴應制

丞相登前府尚書啓舊林式開明主意榮族聖嬪  
心川狹旌門抵巖高蔽帳臨閑廳憑御暗小徑入  
松深雲卷千峯色泉和萬籟吟蘭遶天女珮竹礙  
侍臣簪宸翰三光燭朝榮四海欽還嗟絕機叟白  
首漢川陰

同李員外春闈

落日啼連夜孤燈坐徹闈捲簾雙燕入披幌百花

驚隴上寒應晚閨中織未成管絃愁不記梳洗懶  
無情去歲聞西伐今年送北征容顏離別盡流恨  
滿長城

登總持寺閣

宿雨清龍界晨暉滿鳳城昇攀重閣迴憑覽四郊  
明井邑周秦地山河今古情紆餘一水合寥落五  
陵平處處風烟起欣欣草木榮故人不可見冠蓋  
滿東京

早春邊城還歸

大漠羽書飛長城未解圍山川凌玉嶂旌節下金



微路向南庭遠書因北鴈稀鄉關搖別惡風雪欲  
戎衣歲盡仍爲客春還尚未歸明年征騎返歌舞  
及芳菲

至桃林塞作

去國未千里離家已再旬丹心恒戀闕白首更辭  
親懷璧常貽誦捐金詎得鄰抱冤非忤物惟謗豈  
由人不濫辭終辨無瑕理竟伸黻還中省舊符與  
外處新塞上同遷客江潭異逐臣淚垂非屬峴腸  
斷固由秦歲月行邁盡山川難重陳始知亭伯去  
還是拙謀身

襄陽作

廟堂初解印郡郡忽腰章按節巡河右鳴騶入漢  
陽城臨南峴出樹遠北津長好學風猶扇誇才俗  
未忘江山距七澤烟雨接三湘蛟浦菱荷淨漁舟  
搖柚香醉中求習氏夢裏憶襄王宅壞仍思鳳碑  
存更憶羊下車慙政美閉閣幸時康多謝征南術  
于今尚不亡

襄陽早秋寄岑侍郎

江城秋氣早旭日坐南闌落葉驚衰鬢清霜換旅  
衣時來矜早達事往覺前非體道徒推理防身終

昧微故人金華省蕭穆秉天機誰念江漢廣蹉跎  
心事違

贈蘇少府赴任江南金時還京

丈夫不歎別達士自安卑攬泣固無趣銜杯空爾  
爲流雲春窈窕去水暮逶迤行舟忽東泛歸騎亦  
西馳秦地多芳草江潭有桂枝誰言阻遐闊所貴  
在相知

七言律詩

奉和春日幸望春宮

澹蕩春光滿曉空逍遙御輦入離宮山河眺望雲

天外臺榭參差煙雨中庭際花飛錦繡合枝間鳥

嘒一作管絃同卽此歡娛齊鎬宴惟應率舞一作

### 樂薰風

#### 五言絕句

喜入長安

雲日能催曉風光不惜年  
賴逢征路盡歸在落花

前

#### 七言絕句

奉和幸韋嗣立山莊應制

竹徑桃源本出塵松軒茅棟別驚新  
御蹕何須林

下駐山公不是俗中人

乙籤七十三

崔液字潤甫湜之弟工五言詩舉進士第一人湜嘗呼其小字曰海子我家龜龍也官至殿中侍御史坐湜亡命郢州作幽征賦以見意遇赦還卒裴耀卿纂其遺文爲十卷

宋志

今存詩十篇

踏歌詞二首

綠女迎金屋僊姬出畫堂  
鴛鴦裁錦袖翡翠貼花黃  
歌響舞分行豔色動流光

庭際花微落樓前漢已橫  
金臺催夜盡羅袖拂寒

輕樂笑暢歡情未半着天明

揚升菴以二詩第五句為七言第六句為

三言改分行為行分樂笑為笑樂以就其說未知竟何所本

### 代春閨

江南日暖鴻始來柳條初碧葉半開玉關遙遙戍  
未迴金閨日夕生綠苔寂寂春花烟色暮簷簷燕雙  
雙落花度青樓明鏡畫無光紅帳羅衣徒自香妾  
恨十年長獨守君憐萬里在漁陽

### 冀北春望

一作崔湜詩  
詩式作崔液

迴首覽燕趙春生兩河間曠然餘萬里際海不見  
山雨歇青林澗州空綠野閑問鄉何處所目送白

雲還

上元夜六首

玉漏銅壺且莫催  
鐵關金鎖徹明開  
誰家見月能  
閒坐何處聞燈不看來

神燈佛火百輪張  
刻像圖形七寶裝  
影裏如聞一作

開金口說空中似放一作玉毫光

今年春色勝常年  
此夜風光最可憐  
鳩鵲樓前新月滿  
鳳凰臺上寶燈燃

金勒銀鞍控紫騮  
玉輪珠憶駕青牛  
驂驪始散東

城曲倏忽還來一作南陌頭

公子王孫意氣驕不論相識也相邀最憐長袖風  
前弱更賞新絃暗裏調

星移漢轉月將微露灑煙飄燈漸稀猶惜路傍歌  
舞處踟躕相顧不能歸